


ԻՆՉՈՒՅՑ ՅԻՍՈՒՍԻ ՄԵՌԱԾ ՕՐԸ ԱԻԱԳ ՈՒՐԲԱԹ, ԱՅՍԻՆՔՆ ՄԵԾ ՈՒՐԲԱԹ ԿԸ ԿՈՉԵՆՔ



ԻՐ ԿԵԱՆՔԸ

Կ'ըսուի թէ Յիսուս Քրիստոս միակ անձն էր որուն գլխաւոր նպատակը մեռնիլ էր: Թէեւ ան Աստուած էր, ան ընտրեց երկինքը թողուլ եւ ծնիլ իբր մարդ: Թէեւ շատ քիչ գիտցուած է իր սիրտի կեանքին մասին, երբ ան երեսուն տարեկան էր ան մարդոց քարոզեց որ պաշտարանն է Աստուծոյ դառնան: Ան նաեւ յայտարարեց թէ ինք Աստուծոյ որդին էր եւ ամէն իշխանութիւն ունէր ստեղծագործութեան վրայ: Ան բժշկեց կաղերքը, անգամալոյծները, կոյրերը եւ Համբերը, եւ անոնք որոնք սոսկալի հիւանդութիւններով կը տառապէին ինչպէս բորսաները: Ան նոյնիսկ մեռելները յարուց եւ Հազարներ կերակրեց մի քանի կտոր ուտեստեղէններով:

Արդեօք Յիսուս իր այս սքանչելի գործերուն Համար երախտագիտութիւն ստացա՞ւ: Ոչ: Ան ախոռի մը մէջ ծնաւ եւ երբ մանուկ էր զինք կը փնտռէին որ մեռցնեն: Երբ ՀափաՀաս էր, զինք կ'ամբաստանէին կեղծաւոր եւ դեւերու Հետ գործող: Ան լքուած էր իր ընտանիքէն եւ ընկերներէն, մերժուած, ծաղրուած, վրան թքնուած եւ իբր ոճրագործ դատուած: Մարդկութեան վերջին գործը եղաւ զինք խարաղանել, գլխուն վրայ փուշէ պսակ մը դնել, ձեռքերը քամել եւ խաչէ մը կախել մինչեւ որ մեռնի մեծ ոճրագործի արժանի մահով մը: Բայց երեք օր վերջը ան գերեզմանէն յարեաւ լման կենդանութեամբ:

ՊԱՏՃԱՌԸ

Յիսուս ստիպուած էր այդ բոլոր չարչարանքներուն ենթարկուելու: Մէկ բառով՝ ոչ: Իբր Աստուած ան կրնար իր ուղածը ընել: Ան կրնար մեզ անտեսել: Ուրեմն ինչո՞ւ ան ընտրեց չարչարուիլ: Ան ուղեց չարչարուիլ որպէսզի ան մեզ Աստուծոյ դարձնէ եւ Աստուած փառաւորուի:

Ինչպէ՞ս կարելի կ'ըլլայ Յիսուսի չարչարանքը եւ մահը մեզ Աստուծոյ դարձնել եւ Աստուած փառա-

ւորուիլ: Քանի որ Յիսուս վերցուց մեր մեղաւոր ըլլալուն լուրջ արգելքը: Բոլորս ալ, նախագահէն սկսեալ մինչեւ կղերականը, Հարուստէն սկսեալ մինչեւ ամէնէն աղքատը՝ Աստուծոյ Հանգէլ ոճիւ գործած ենք: Բոլորս ալ անհնազանդ եղած ենք արդար եւ սուրբ Աստուծոյ:

Երբեմն կը մոռնանք որ Աստուած բացարձակ իշխանութիւն ունի մեր կեանքերուն վրայ: Աստուծոյ Հեղինակութիւնը աւելի մեծ է քան կառավարութեան մը Հեղինակութիւնը: Ամէն կառավարութիւն օրէնքներ ունի: Երբ անձ մը կառավարական օրէնքներուն Հակառակ կը գործէ, պէտք է պատժուի: Նոյնպէս ալ Աստուած օրէնքներ ունի, եւ եթէ մենք իր օրէնքներուն Հակառակ կը գործենք, պէտք է պատժուինք:

Ի՞նչպէս Աստուծոյ օրէնքին Հակառակ կը գործենք: Ամէն ատեն որ սխալ մը գործենք, Աստուծոյ անհնազանդ կ'ըլլանք: Ասիկա կը կոչուի մեղք: Մեղքը միշտ մեզ Աստուծոյ կ'անջատէ: Եւ. 59:2 կ'ըսէ. «Ձեր ու ձեր Աստուծոյն մէջտեղ բաժանում ձգողը ձեր անօրէնութիւնները եղան ...» Քանի օր Աստուած կատարեալ սուրբ է, նոյնիսկ պզտիկ մեղք մը մեծ անդունդ մը կը դնէ մեր եւ Աստուծոյ միջեւ զոր Հենք կարող կարել:


Մեր մեղքը ուրիշ Հետեանք մըն ալ ունի: Ոչ միայն մեղքը մեզ Աստուծոյ կը դատէ, իր սուրբ արգարութիւնը կը պահանջէ նաեւ որ մենք մեր մեղքին պատիժը կրենք: Մեր պատիժը կ'որոշուի ոչ միայն մեր մեղքին չափով, Հապա պատիժը մեր պատճառած վնասին Համեմատ կ'ըլլայ: Օրինակի Համար, եթէ բարկանալով ժայռ մը փշրենք, վնաս մը Հենք Հասցնել, բայց եթէ բարկանալով մարդ մը մեռցնենք, կը բանտարկուինք քանի որ մարդ մը ժայռէն աւելի արժէքաւոր է: Եթէ Աստուծոյ անհնազանդ ըլլանք, Աստուծոյ փառքին վնաս Հասցուցած՝ եւ իր կատարեալ ծրագրին արգելք եղած կ'ըլլանք: Հետեւաբար, մեր պատիժը աւելի մեծ է մեր պատճառած վնասին Համեմատ:

Իւրաքանչիւր մեղք որ կը գործենք մեծ պատիժի արժանի է պայման չէ որ մենք լաւ կամ գէշ անհատներ ըլլանք: Երեւակայէ ոճրագործ մը որ դատաւորին ըսէ. «Ձիս ազատ արձակէ քանի որ բազմաթիւ ուրիշ մարդեր չեմ մեռցուցած»: Իր ոճիւրին Համար պէտք է պատժուի: Նոյնպէս Աստուծոյ քով բարի կեանք մը չի

կրնար ջնջել նոյնիսկ մէկ մեղք: Անոր Համար պէտք ունինք Յիսուսի իբր մեր Փրկիչը: Յիսուս միակ անձն է որ լման Աստուած էր եւ լման մարդ եղաւ: Իբր մարդ ան մեր մեղքերը իր վրան առաւ: Երբ ան խաչին վրայ մեռաւ, մեղքին պատիժը կրեց: Բ. Կորնթացիս 5:21 կ'ըսէ. «Վասնզի Աստուած զանիկա որ մեղք չէր գիտեր, մեզի Համար մեղաւոր սեպեց, որպէսզի մենք անոր միջոցով Աստուծոյ արգարներն ըլլանք»: Այս Համարը կ'ըսէ թէ Յիսուս մեղքին լման Հատուցումը կատարեց իր արգարութեամբ: Այս է որ պատահեցաւ Աւագ Ուրբաթ օրը: Իր մահովը անդունդին վրայէն կամուրջ մը Հինուեցաւ որպէսզի Աստուծոյ Հնորճին արժանանք եւ չպատժուինք:

ՈՒՐԵՄՆ ԻՆՉ Է ԶԱՏԻԿԸ

Զատիկի Կիրակի առաւօտուն քրիստոնէաներ կը տօնեն Յիսուսի յարութիւնը: Ան ոչ միայն մեր պատիժը իր վրան առաւ, նաեւ ան մահուան յաղթեց:



ԻՆՉՊԷՍ ԿՐՆԱՆՔ ՎՍՏԱՀ ԸԼԼԱԼ ՅԻՍՈՒՍԻ ՅԱՐՈՒԹԵԱՆ

Առաջին. քանի որ առաքեալները պիտի չուզէին մեռնիլ սուտ բանի մը Համար: Յուդա Իսկարիովտացիէն զատ, որ Յիսուսէն առաջ մեռաւ, բոլոր առաքեալները մեռցուեցան իրենց Հաւատքին Համար: Սիմոն Պետրոս գլխիվար խաչուեցաւ, Անդրէաս, Յակոբոս եւ միւս Սիմոն ալ խաչուեցան: Բարթողիմէոս ծեծուեցաւ մինչեւ մեռնի: Ինչո՞ւ այսքան մարդիկ սուտ բանի մը Համար մեռան: Սուտ չէր: Անոնք ճշմարտութեան Համար մեռան: Յիսուսի յարութեան ճշմարտութիւնը վախկոտները մարտիրոսներու վերածեց,

Երկրորդ. 500-է աւելի մարդիկ տեսան յարուցեալ Քրիստոսը եւ մի քանիներ շօշափեցին զինք: Ան եփեց, կերակուր կերաւ եւ Հատերու խօսեցաւ:

Երրորդ. Սուրբ Գիրքին զատ ուրիշ գրութիւններ Յիսուսի յարութիւն առած ըլլալը կը փաստեն: Ֆլավիոս Ճօզֆֆոս, ոչ քրիստոնէայ պատմաբան մը որ առաջին դարուն ապրեցաւ, այսպէս գրած է. «Այս ժամանակ Յիսուս կար, իմաստուն մարդ մը, եթէ օրինաւոր է զինք մարդ մը կոչել, քանի որ ան սքանչելի գործեր կ'ընէր, ուսուցիչ մը այն մարդոց որոնք ճշմարտութիւնը ուրախութեամբ կ'ընդունէին: Ան իրեն հրապուրեց շատ հրեաներ եւ հեթանոսներ: Ան Քրիստոսն էր: Երբ Պիղատոս, մեր մէջ եղող գլխաւոր մարդոց գրգռումներով զայն խաչին մահուան դատապարտեց, բայց անոնք որ զինք կը սիրէին զինք չլքեցին, քանի որ Յիսուս անոնց երեւցաւ երրորդ օրը ողջնցած, ինչպէս մարգարէները մարգարէացած էին իր մասին եւ բիւրաւոր ուրիշ հիանալի բաներ իր մասին: Իր անունով այսպէս կոչուած Քրիստոնէաներու ցեղը, չեն անհետացած»: (Հրէական հնութիւններ 18,3,3) Ուրիշ հին պատմագէտներ ալ Յիսուսի մասին խօսած են ինչպէս Դասիզոս, հին հռոմայեցի պատմաբան մը:

ԻՆՉ Է ԱՍՈՐ ՆՇԱՆԱԿՈՒԹԻՒՆԸ

Քանի որ Յիսուս Քրիստոս խաչին վրայ մեռաւ իբր հատուցում մեր մեղքերուն, մենք կրնանք ներուիլ եւ յաւիտենականութիւնը անցնել իր սքանչելի ներկայութեան՝ իր շնորհներն ու օրհնութիւնները վայելելով:

Քանի որ Յիսուս Քրիստոս յարութիւն առաւ, ան մեր քովն է ուր որ երթանք: Իր զօրութիւնով յաղթական կ'ըլլանք ամէն մեղքի եւ աղէտի դէմ: Կրնանք իրեն ազօթել ամէն տեղ, քանի որ գիտենք թէ ան մեզ կը լսէ:

Քանի որ այս բաները ճշմարիտ են, կրնանք վստահ գիտնալ թէ մենք երկինք պիտի երթանք երբ մեռնինք:

ԻՆՉ Է ՄԵՐ ՊԱՏԱՍԽԱՆԸ

Այս օրհնութիւնները ստանալու համար մենք վերստին ծնած հաւատացեալներ պէտք է ըլլանք: Այս կը պատահի երբ մենք հաւատքով կ'ընդունինք իր ներումը եւ մեր արգարանալը: Սուրբ Գիրքը կը սորվեցնէ մեզի թէ «Բայց ան որ չգործեր, բայց կը հաւատայ անոր որ ամբարիշտ կ'արդարացնէ, անոր հաւատքը իրեն արգարութիւն կը սեպուի» (Հու. 4:5): Աստուած մեզի կը ներէ ոչ թէ մեր բարի գործերուն համար, այլ կը ներէ մեր անկեղծ հաւատքին համար:

Հաւատք ունենալ ըսել է թէ դուն կը հաւատաս ինչ որ Սուրբ Գիրքը կ'ըսէ քու մասին, քու մեղքերուդ եւ Քրիստոսի քու տեղը մեռնելուն մասին: Աստուծմէ ներում ստանալու համար խոստովանէ որ Ան մաքուր եւ սուրբ է եւ թէ անոր քով դուն յանցաւոր, կորսուած եւ անօգնական մեղաւոր մըն ես: Անկեղծօրէն Քրիստոսէ խնդրէ որ քեզ փրկէ եւ իր արժանի տեղը գրաւէ քու կեանքիդ մէջ որպէսզի մեղքէն դառնալով իրեն համար ապրիս: Եթէ այդպէս ընես, Հռոմայեցիս 10:9 կը խոստանայ «Եթէ քու բերնովք Յիսուսը Տէր խոստովանիս ու քու սրտիդ մէջ հաւատաս թէ Աստուած զանիկա մեռելներէն յարուց, պիտի փրկուի»:

Անոնք որոնք Քրիստոսի կը փաստեն իրենց փրկութեան համար, Աստուծոյ որդիներ են: Սուրբ Գիրքը կ'ըսէ. «Բայց որոնք որ զինք ընդունեցին, անոնց իշխանութիւն տուաւ Աստուծոյ որդիներ ըլլալու, որոնք կը հաւատան իր անունը» Յովհ. 1:12:

Քու Տէրդ ճանչնալու համար ազօթէ, հաւատարմօրէն սերտէ իր խօսքը, եւ յաճախէ Աստուծոյ խօսքը շիտակ սորվեցնող եկեղեցի մը յաճախէ որպէսզի Աստուած գործածէ քեզ իր փառքին եւ ուրախութեան համար:

Bob La Forge



Եթէ որեւէ հարցում ունիս կ'ուզենք քեզի օգնել: Կրանս գիմել հետեւեալ հասցէին.

Վիզէն Խաչադրեան
Հայաստան, Երևան 18
Նարթոս Փոդոց Բիւ 90

Հեռ. (374 10) 57-00-31 կամ 57- 89-62

bunion@arminco.com

կամ այցելէ մեզ
www.armbunion.org

ՅԻՍՈՒՍԻ ՄԵՌԱԾ ՕՐԸ

ԻՆՉՈ՞Ւ ԱՒԱԳ ՈՒՐԲԱԹ ԿԸ ԿՈՉԵՆՔ



ԻՆՉ ԿԸ ՆՇԱՆԱԿԷ՝ ՅԻՍՈՒՍ ՔՐԻՍՏՈՍ ՄԵՌԱԻ ՄԵՂՔԻ ՀԱՄԱՐ

ԻՆՉ ԿԱՊԱԿՑՈՒԹԻՒՆ ՈՒՆԻ ԻՆԾԻ ՀԵՏ ՅԻՍՈՒՍԻ ԽԱՉԻՆ ՎՐԱՅ ՄԵՌՆԻԸ

ԻՆՉԷՆ ԳԻՏԵՆՔ ՈՐ ՔՐԻՍՏՈՍԻ ՅԱՐՈՒԹԻՒՆԸ ԻՐԱՊԷՍ ՊԱՏԱՀԵՑԱԻ

ԻՆՉՊԷՍ ԿՐՆԱՄ ՅԱՐԱԲԵՐԻԼ ԿԵՆԴԱՆԻ ԱՍՏՈՒԾՈՅ ՀԵՏ